

3802

UNIVERZITET U SARAJEVU –
STOMATOLOŠKI FAKULTET SA
STOMATOLOŠKIM KLINIČKIM
CENTROM

Tel.: +387 33 214 249
Fax: +387 33 443 395
E-mail: dentalschool@sf.unsa.ba
Adresa: Bolnička 4a, Sarajevo
Bosna i Hercegovina

Broj: 01-3-1-254-1/24
Sarajevo, 25.10.2024. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Reisa Džemaludina Čauševića 1
71000 Sarajevo



UNIVERSITY OF SARAJEVO –
FACULTY OF DENTISTRY
WITH DENTAL CLINICAL
CENTER

Phone: +387 33 214 249
Fax: +387 33 443 395
E-mail: dentalschool@sf.unsa.ba
Address: Bolnička 4a, Sarajevo
Bosnia and Herzegovina

Federacija Bosnia and Herzegovina
KANTON SARAJEVO

PRIMLJENO: 25-10-2024		
Organizaciona jedinica	Klasifikacija	Broj priloga
01	04	32093-195

PREDMET: Odgovor na Zastupničku inicijativu broj: 01-04-32093-58/24 od 22.10.2024. godine, dostavlja se;

Poštovani,

Dana 25.10.2024. godine Univerzitet u Sarajevu – Stomatološki fakultet sa stomatološkim kliničkim centrom (u nastavku teksta: Fakultet) zaprimio je Zastupničku inicijativu zastupnice Marijele Hašimbegović broj i datum gornji, koja se odnosi na skraćenje liste čekanja radi zakazivanja termina za oralnohirurške i stomatološke usluge u Centru za pružanje stomatoloških usluga djeci s poteškoćama u razvoju na Univerzitetu u Sarajevu – Stomatološkom fakultetu sa stomatološkim kliničkim centrom.

Prvenstveno koristimo priliku da vam se zahvalimo što ste nam se obratili sa ovim pitanjem, odnosno zastupničkom inicijativom, jer cijenimo da će ista u značajnoj mjeri doprinijeti adekvatnijem pristupu i pružanju pomoći ovoj kategoriji stanovništva odnosno osobama sa poteškoćama u razvoju.

Fakultet je dana 10.10.2024. godine Zavodu zdravstvenog osiguranja Kantona Sarajevo uputio dopis broj: 02-2-11-56-1/24 u kojem su sadržani podaci o broju i strukturi zaposlenih u našoj ustanovi i u kojem je sadržan zahtjev za radni angažman novih zaposlenika, tačnije anesteziologa i anesteziološkog tehničara, a sve u cilju kontinuiranog, adekvatnog i pravovremenog pružanja usluga ovoj kategoriji stanovništva.

Ističemo da, usljed nedostatka finansijskih sredstava za radni angažman doktora medicine specijaliste anesteziologije i reanimatologije i anesteziološkog tehničara, a koja radna mjesta su utvrđena Pravilnikom o unutrašnjoj organizaciji i sistematizaciji Stomatološkog fakulteta sa klinikama, Fakultet svake godine provodi postupak javne nabavke „Usluge anestezije“ procijenjene vrijednosti od 100.000,00 KM. Isti iznos nije dostatan, jer usluge angažmana anesteziologa su vrlo često predmet najprostijeg oblika trgovine, zanemarujući značaj same usluge, kao i poziciju koju ova kategorija stanovništva treba da zauzima u društvu.

U cilju potkrepljenja gore navedenog, u prilogu vam dostavljamo odgovor Opće bolnice „Prim. dr. Abdulah Nakaš“ na naš upit.

Nama kao kolektivu je nejasan ovaj stav Opće bolnice, naročito što je u Općoj bolnici „Prim. dr. Abdulah Nakaš“ radni odnos zasnovalo 13 anesteziologa koji su napustili Klinički centar Univerziteta u Sarajevu.

Fakultet, nažalost, nema mehanizme da natjera radnike javnih ustanova da bez obzira na značajnu novčanu stimulaciju pristanu raditi svoj posao. Još manje nam je jasno kako rukovodstvo Opće bolnice „Prim. dr. Abdulah Nakaš“ toleriše potpuno oglašivanje na ovako značajan problem.

S obzirom da se radi o posebno osjetljivoj temi odnosno neophodnosti pružanja predmetnih usluga pacijentima i djeci sa poteškoćama u razvoju, to je i svijest uprave Fakulteta o ovom pitanju naročito izražena.


Dodatna sredstva koja su nam potrebna od strane Zavoda zdravstvenog osiguranja Kantona Sarajevo za objezbjeđivanje sistematizovanih radnih mjesta iznose:

- doktor medicine specijaliste anesteziologije i reanimatologije – godišnje cca 75.976,00 KM
- anesteziološki tehničar – godišnje cca 36.387,00 KM,
- materijal – cca 207.144,00 KM, odnosno 107.144,00 KM, jer ćemo 100.000,00 KM preusmjeriti sa dosadašnjeg plaćanja usluga anestezije putem javne nabavke.

Na koncu, napominjemo da Fakultet iskazuje potrebu za radnim angažmanom doktora medicine specijaliste anesteziologije i reanimatologije i anesteziološkog tehničara, te ističe kako bi rad uz dodatnog anesteziologa omogućio više usluga prema pacijentima sa posebnim potrebama. Umjesto dosadašnjih dva dana, usluge bi mogli pružati tokom čitave sedmice. Ovakav naš zahtjev je u interesu zaštite najugroženije kategorije stanovništva, ali bez obzira na ishod ove inicijative, Fakultet će učiniti sve napore da nastavi pružati uslugu za djecu sa posebnim potrebama kao i do sada, unatoč izazovima sa kojima se suočava.

S poštovanjem,

Pripremila i za uskl sa zakonskim i podzakonskim aktima odgovara:


Lejla Zornić, dipl. iur.

Akt kontrolisala:



Mr. sci. Edisa Lišić, dipl. iur.
Sekretar Fakulteta



v.d. DEKAN


Prof. dr. sci. Muhamed Ajanović

Dostaviti:

- naslov,
- a/a.

Stomatološki fakultet sa klinikama UNSA

From: Info <info@obs.ba>
Sent: Wednesday, October 9, 2024 3:15 PM
To: Stomatološki fakultet sa klinikama UNSA
Subject: FW: Informacija usluge opšte anestezije, traži se

From: Marina Juros-Zovko [mailto:marina.juros@obs.ba]
Sent: srijeda, 9. oktobar 2024. 13:47
To: 'Info' <info@obs.ba>
Subject: RE: Informacija usluge opšte anestezije, traži se

Poštovana,

Usljed niza teškoća koji se javljaju vezano za pružanje usluga na Stomatološkom fakultetu za Odjeljenje anestezije i intenzivne terapije, a nakon dugog niza godina uspješne saradnje, anesteziolozi naše bolnice nisu više u prilici da učestvuju u ovom projektu.

Cijenimo važnost projekta i svim srcem smo u njemu učestvovali, znajući da se radi o najtežim pacijentima koji zahtijevaju visok nivo profesionalnog znanja i vještine, ali i stresa koji ovakav posao nosi za sve nas, ali u ovom momentu ne možemo prevazići teškoće koje prate ovakav profesionalni angažman.

Uz srdačne pozdrave

From: Info [mailto:info@obs.ba]
Sent: Tuesday, October 8, 2024 7:59 AM
To: 'Marina Juroš-Zovko' <marina.juros@obs.ba>; samira.hajdarevic@obs.ba
Subject: FW: Informacija usluge opšte anestezije, traži se

From: Stomatološki fakultet sa klinikama UNSA [mailto:dentalschool@sf.unsa.ba]
Sent: ponedjeljak, 7. oktobar 2024. 13:36
To: info@obs.ba
Cc: Javne nabavke SF UNSA <javnenabavke@sf.unsa.ba>
Subject: Informacija usluge opšte anestezije, traži se

Poštovani,

Obzirom na važnost postupka javne nabavke usluga anestezije za djecu sa posebnim potrebama koji zahvati se izvode na Univerzitetu u Sarajevu – Stomatološkom fakultetu sa stomatološkim kliničkim centrom, molimo vas za informaciju da li Opća bolnica ima namjeru dostaviti ponudu u krajnjem roku navedenom u tenderskoj dokumentaciji, odnosno prijaviti se na navedeni postupak javne nabavke.

Molimo za hitan odgovor.

S poštovanjem,

Mr. sci. Edisa Lišić, dipl. iur

Sekretar Fakulteta

Univerzitet u Sarajevu - Stomatološki fakultet sa stomatološkim kliničkim centrom

Bolnička 4a

71 000 Sarajevo

Tel.: +387 33 407 833

E-mail: elisic@sf.unsa.ba

Web: www.sf.unsa.ba

